

# INUIT ATAQATIGIIT INATSISARTUNI



22. april 2026

UPA2026/26

Mimi Karlsen

**Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allangortinneqarnissaa pillugu Inatsisartut Inatsisaata allangortinnissaa pillugu Inatsisartut inatsisaat** (Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Inuit Ataqatigiit pingaartippaat meeqqat allatullu illersortariallit amerlasuutigut illersorneqarnissaat. Meeqqat allalluunniit illersugassat atugarisassanut illerugassaappata pisussaaffittut isigaarput. Aammali sunniiniarnikkut, putusaarinikkut piuminanarinikkulluunniit toqqartumik meeqqat pineqarpata, tamaanna illersugassaraagut.

Taamaammat Inuit Ataqatigiit tuniniaanermut nittarsaassinermullu inatsisissaq qujarupparput, tassuunami meerartarta illersorneqarnissaat pingaartikkatsigu.

Ullutsinni inuit attaveqaatiisigut attaviinnut kikkulluunniit peqataasinnaapput, aamma meeqqat. Attaveqaatit paasisaqarnarlutillu pilerinartarmata tupinnanngitsumik tiguartiffigisarpagut.

Taamaammat naalakkersuisut tuniniaasinnaanermik nittarsaassisarnerlu pillugit inatsisiliorneri iluarivagut.

Teknologikkut attaveqaqatigiinnermilu ineriartornerit tuniniaanissamik nittarsaassisarnermullu periarfissanik unammillernartunillu pilersitsijuartitsipput, ingammik digitalikkut inoqutinullu attaveqaatini. Tamanna malittarisassanik nutaarsaanissamik erseqqiissaalluarnissamillu pisariaqalertitsivoq, tassani ilanngullugu ullutsinni ussasaarutit pasinaarsaakkat pinngitsoortinniarlugit naalakkersuisut siunnersuuteqarnerat iluarivarput.

# INUIT ATAQATIGIIT INATSIARTUNI



Naalakkersuit siunnersuutaata atuisartut atupilunneqarsinnaasut, soorlu meeqqat inuusuttullu, kiisalu inuit atuinermut taarsigassarsisut illersorneqarnissaat annertusassasammagu iluarivarput. Inuimmi aningaasameertut pilertortumillu isumaliutaalluanngitsumik aningaasatigut usseruminarnerit aammaillersornerusinnavagut ugguuna inatsisissakkut.

Taamaammat siunnersuut akueralugu ataatsimiitsitaliamut susassaqartumut sukumiisumik misissugassanngorlugu innersuupparput.